



MY STEP
FOUNDATION

World Vision
ՀԱՅԱՍՏԱՆ



Աղքատության պարտությունը
բուրբիս հաղթանակն է



ԱՂՔԱՏՈՒԹՅԱՆ ՓՈՒԼԱՅԻՆ ՀԱՂԹԱՐԱՐՈՒՄ

Վիճակագրություն

Վերջին հետազոտությունների տվյալներով*` Հայաստանում բնակչության 25.7%-ն աղքատ է, իսկ 1.4 %-ը` ծայրահեղ աղքատ:

Այլ կերպ ասած` աղքատ է 766 հազար մարդ: Իսկ ծայրահեղ աղքատ համարվող 42 հազար մարդու ամսական եկամուտը չի գերազանցում 24 000 դրամը:

Երեխաների 2.1%-ն ապրում է ծայրահեղ աղքատության, իսկ 30.8%-ն` աղքատության մեջ:

ՄԱԿ-ի Մանկական հիմնադրամի տվյալներով` Հայաստանում ապրող յուրաքանչյուր 3 երեխայից մեկը (28 %) ն` աղքատ է, ն` չկրկված բարեկեցիկ կյանքի համար անհրաժեշտ պայմաններից` առողջ սնուցում, կրթություն, բնակարանային պայմաններ, հանգստի և ժամանցի հնարավորություններ և այլն: Այս երեխաները մեր հասարակության ամենախոցելի խումբն են:

Աղքատությունը միայն եկամտի և ռեսուրսների պակասը չէ: Աղքատությունը միմյանց հետ փոխկապակված գործոնների բացակայությունն է, որն իր հետ բերում է ֆիզիկական և հոգեբանական աղքատություն, հասարակության մեջ ձայնի հնարավորության բացակայություն, շրջակա միջավայրի հարվածներին դիմակայելու անհնարինություն, ցածր ինքնագնահատական և ինքնավստահություն: Աղքատության հաղթահարման ուղղված պետական ջանքերը հիմնականում ներառում են սոցիալական աջակցության փաթեթներ դրամական օգնության տեսքով: Այս գումարները սովորաբար հափիվ բավարարում են ընտանիքի ամենահիմնական կարիքները հոգալուն:

Աշխատանք առավել խոցելի ընտանիքների հետ

Վորլդ Վիժն Հայաստանն աշխատում է առավել խոցելի երեխաների և նրանց ընտանիքների հետ` օգնելով բարելավել նրանց սոցիալ-տնտեսական վիճակը և պաշտպանել երեխաների իրավունքները: Նախորդ չորս տարիների ընթացքում Վորլդ Վիժն Հայաստանը սերտորեն աշխատել է 3000-ից ավելի առավել խոցելի ընտանիքների հետ:

«Իմ Քայլը» հիմնադրամի հետ համագործակցությունը աղքատության հաղթահարման ուղղությամբ սկսվել է 2019 թվականին: Այս համագործակցության շրջանակներում 18 ընտանիքների համար մշակվել են անհատական վարձագման պլաններ և ընտանիքներին տրամադրվել է բավարարող աջակցություն:

Ընտանիքների հետ աշխատանքն իրականացվել է Վորլդ Վիժնի 50 փորձառու սոցիալական աշխատողների օգնությամբ, որոնք ներգրավել են նաև սոցիալական ապահովության պետական մարմիններին և երեխաների պաշտպանության հիմնական դերակատարներին:



Աղքատության փուլային հաղթահարման ծրագիր

Որպեսզի սոցիալական աշխատանքն իր հետ բերի շոշափելի և կայուն արդյունքներ, Վորլդ Վիժնը երկու տարի առաջ սոցիալական աշխատանքին զուգահեռ սկսեց կիրառել նաև Աղքատության փուլային հաղթահարման ծրագիրը, որն առաջարկում է կայուն լուծումներ աղքատության հաղթահարման համար:

Այս մոտեցմամբ Վորլդ Վիժնը աշխատում է այն ընտանիքների հետ, որտեղ եկամուտը օրական 1.5 ԱՄՆ դոլարից պակաս է: Այս մոտեցումը ենթադրում է իրար հաջորդող, բավաստեղծորակ միջամտություններ, որոնք օգնում են ծայրահեղ աղքատ ընտանիքին դուրս գալ աղքատությունից: Վորլդ Վիժնի աջակցությունը ներառում է հետևյալը` սոցիալական աշխատանք ընտանիքների հետ, գումարային աջակցություն` ամենահրատապ կարիքները հոգալու համար, ընտանիքի անդամների մասնագիտական վերապատրաստումներ, ծնողավարական հմտությունների ուսուցում, երեխաների առողջ սնուցման և հիգիենայի վերաբերյալ գիտելիքների տրամադրում, ինչպես նաև աջակցություն աշխատանք գտնելու հարցում:

Վորլդ Վիժնի ներկայիս ուսումնասիրությունները ցույց են տալիս, որ սոցիալական աշխատանքի և Աղքատության փուլային հաղթահարման ծրագրի կիրառման արդյունքում`

- ծրագրին մասնակցող ընտանիքների 48%-ը հաղթահարել է ծայրահեղ աղքատությունը,
- ընտանիքների 90%-ի մոտ աճել է տարեկան եկամուտը,
- երեխաների 77%-ի առողջական վիճակը բարելավվել է,
- ընտանիքների 82%-ում բարելավվել է կյանքի որակը:

*Աղքատության պատկերը Հայաստանում 2008-2017թթ.